



雞牢

頭改掠入來飼的雞仔罔有十隻，到今賭七隻爾爾，毋過個的身軀愈來愈大，原本起的雞牢細細櫥仔，有較狹淡薄仔。好佳哉連繼有曲(khiau)三隻去，啊若無早都畱袂落去。講是無幾隻，拄著透風落雨就親像櫥仔內的犯人按呢，規陣穢穢做一伙，真正袂堪得。

今仔日六點起床，門口埕早就烏陰烏陰，山頭的雲炆直透罩倚來，看是強欲落雨的款，恰昨昏比起來嘛加冷誠濟，無來去起新雞牢仔袂煞。進前就有料算講，緊慢著愛起新的，鐵網仔恰玻璃纖維浪板早都攞便便當咧等，這聲跤手若無較猛咧，聽候雞仔罔沃著雨抑是拍寒著，真正就袂赴市矣。

先埃厝頂，用塑膠管替纖維浪板，一頭釘釘仔，另外彼頭縛鉛線，四箍輾轉圍烏網仔聞風雨，都猶未釘好勢，雨毛仔就來矣。拄好大漢罔喊食晝，綴手收家私歇暍。食飽麗佇膨椅頂，眯差不多有半點鐘，就趟起來戴笠仔、穿雨幔，毋敢閣蹕落去。

繼落去，鋪塗跤兜的鐵網仔，寸尺有較袞(hai)淡薄仔，著愛小可仔裁過才會合。閣欲予雞屎好摒掃，鐵網仔下跤舒玻璃纖維浪板，水沖就家己流出去，免閣像往過按呢，逐工共塗跤兜的柴枋仔夯起來洗一輾轉透。若是拄著好天猶曝會焦，落雨天沓沓滴滴，舞甲袂得通焦才是歹剃頭。

雨愈來愈大，欲按怎共雞仔罔對舊的趕去新雞牢仔咧？頭一步先徙燒燒的電火球仔，予新岫較袂遐生冷。拄仔好電線有夠長，通吊上去懸頂，免閣牽新的線路。第二步提飼料槽仔起來，共較芳的新料添予瀝，水槽仔閣換新水，將兩項做伙罔入去新牢仔內。

上押尾的工課是欲按怎趕咧？過一睏仔久才想著用枋仔圍一條細細條仔的路予罔行，那沃雨那呼這陣眊目雞仔，我看個欲入去新岫的時陣猶咧頓躑，心肝頭膽膽的款，規陣你看我、我看你，才一隻仔一隻踏入去。我隨倚去共雞牢仔門圈起來，迴過門縫眊著個攏拑跔槽仔邊咧啄飼料、淋水，四箍圍仔閣真正有通風嘛袂潑著雨，即時予我喘一下大心氣，規身人焦鬆、輕可起來，穩心仔行人來厝內。

作者：藍春瑞

☆詞彙學習☆

【曲】khiau：死的戲謔語

【講是】kóng--sī：雖然

【櫥仔】lông-á：牢房、監獄

【雲炆】hûn-ang：大片的雲

【攞便便】tshuân-piân-piân：早就備好

【這聲】tsit-siann：這下子

【雨毛仔】hōo-m̂ng-á：毛毛雨

【眯】bī：小睡

【蹕】thōng：拖延

【袞】hai：大

【押尾】ah-bué：最後

【眊目】tshuh-bák：視力不佳

【頓躑】tùn-tenn：躊躇不前

【圈】khian：(把門扣)扣上

【眊】siam：窺視

【拑】khînn：聚集

【輕可】khin-khó：輕鬆

【穩心仔】ún-sim-á：安心地